



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

299. Paul Molner's Antwort an Schrank von Nossing und dessen Gesellen,
vom 27. März 1467.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

299. Paul Molner's Antwort an Schrank von Roffing und dessen Gesellen,
vom 27. März 1467.

Meynen fruntlichen grufz Alz iz Itzundt gewandt ift. Erbarn vnd woltuchtigen herren vnd Mannen. Euwer schreiben Itzundt an mich gethon, habe Ich wol vornomen. So Ir denne von mir antwert begert, Thue ich euch zcu wifsen, das meyn gnediger herr marggraffe, noch Ich von feyner gnaden wegen mehr begert haben eyns beyfrees, funder fo Ich meyns gnedigen herren beuelung vnd gewerb dem Starosten vorgebracht vnd feyner gnaden fache vff In zcu geleych vnd rechte aber geboten hatte, Bewarb fich der herre Starost vmme eynen beyfrede, bynnen welchem Ir muchtet dorch geleyte mit fuller macht meyns herren gnade befuchen ader meyn herre den tag vor dem Starosten vff Quafimodogeniti befenden, wy das feyner gnoden wurde gevallen. Vff eyn folchs habe Ich eynen beyfrede eyngewermet vnd mich der gemechtiget, In mafzen Is do vor dem Starosten vorhandelt wart, awfzgenomen eyns ftucks, des Ich mich nicht mechtigen wolde. So Ir denne schreybet, folchen beyfrede zcu halden vnd dorinne dorch meyns gnedigen herren fchrifte vnd ouch geleyte vorforget zcu werden, habe Ich euern brieff meynem gnedigen herren eylende fchickt. Was feyne gnode euch vor antwert schreyben wirt, dornoch moget Ir euch richten. Ouch habe Ich eyn folchs dem landtfoydt zcu Coltrin mit andern meyns gnedigen herren Mannen In etzlicher stete legende gefchrieben, der euch denne ouch feyne meynung wol schreyben wirt, vnd weyß nicht anders, fie werden ouch den frede halden, alz Ich In dem herren Starosten zugefagt habe; doch fie werden euch vor der zeyth anhebens des beyfrees wol zcu wifsen thuen, wo fie fich vnd ouch Ir euch noch moget richten. Gegeben zcu drifzen, Am gutten freytag etc.

Paulus molner scribit Schrangk
et suis complicibus respondendo.

Aus der eigenhändigen Copie Paul Molner's im Geh. Staatsarchive.

300. Kurfürst Friedrich bittet den Legaten zu Breslau, Bischof Rudolph von Lavant, seine Interessen gegen Böhmen und Polen im Auge zu haben, und giebt ihm Nachricht von einer Zusammenkunft des Königs von Böhmen, des Herzogs Ernst von Sachsen und des Markgrafen Albrecht zu Brür, am 30. März 1467.

Vnnser fruntlich dienst vnd was wir allezeit liebs vnd guts vermogen zuuor. Erwidigster Inn got befunder liber Her vnd frunt. Als vns ewer libe ytzundt gefchriben hat van des konigs wegenn zu Behmen, das haben wir wol vernomen.